

Das vierde Buch.

ein güte veste vff einen berg die was so vñhlin-
lich das nit dar an gebracht vnd hieß der man
Gacalanoches / In der veste was ein baum/
gart über die massen schön von allerley fruch-
ten vnd springenden brunnen vnd von aller-
ley gutem geschmack Darin was ein summer-
huse gar köstlich mit gold vnd mit anderē dī-
gen darin aller vōgel gefang vñnd alle süsse
gethōn die man erdencken mag. das was mit
künstē gemacht das hort man vñnd sahe es
nit vnd was wollust bringen mocht das was
in dem garten. vñnd in die burg thet er vil schō-
ner wyber die wol vñnd gar köstlich gezieret
waren vnd dar zū vil iunger gesellen. vñ wa-
ren try brūnnen da in edel gestein gehawen
die da wyn vnd honig vnd milch gaben wan
man wolt Vñd er sprach es were das paradise vñnd die iungen leut weren die engel. vñnd
nam dan ander iunge gesellen die nit da von wistren vñnd sprach er wolt sy lassen das hy-
melrich sehen. vñnd wan sie solichen wollust sahen vñnd horten so gab er in zū verstōnn die
iungen leut weren engel vñnd wolten sie thūn was er sie bette er wolte yn in das selb hym-
melrich helfen. aber es mochte niemant leben darin komen vñnd die yetz dar in werent
die werent ein mal gestorben vñnd belyben also iung vñnd schon als sie yetz undt weren. vñ
sehen got in siner glory vñnd da in das die iungen leute gekaubten. vñnd im gelobten zū
thūn das er sie hiesse vñnd sich in sinen willen vñnd dienst erbūten. vñ der gehorsamy vñ
inenn gewar ward / do empfalhe er yeglichem einen sinen synd die der selb man het. zū er-
stechen vñnd sprach der vñnd der vñnd nante sie vñnd sprach sy weren vngötlich vñnd gott
hasset sy vñnd wil das sie sterben. wōllen ir nū dar faren vñnd wōllen die erstechen so wer-
den ir gefangen vñnd ertötet. vñnd also faren dan iwer felen in das hymelrich vñ ist ick
ewiglich wol so ir inn gottes diensten gestor-
ben sint / Da tetten sy das vñnd do mit lag
der man synen finden obe vñnd zoch ire land
zū im Aber da man syn bößheiten befandte
da ward er vñnd syn hymelrich verbrent. die
stat han ick auch gesehe.



Das vi Capitel

Dannen hyn etwen ferre von Wylco-
rach ist eyn groß wunder. vñnd ick
glaub es sy vom zauberlistenn me-
dan von nature do fließet das wasser Phē-
son durch das landt. vñnd ist ein thal das
ist wol by fier mylenn lang vñnd zwischen



